



Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Veluti Totidem Ramos
Distributa

Ilsung, Jakob

Dilingæ, 1693

Meditatio CCCXXII. Signa facientes in Christi Nomine non prohibendi.

[urn:nbn:de:hbz:466:1-60727](https://nbn-resolving.de/urn:nbn:de:hbz:466:1-60727)

que servus sit major Domino , & discipulus sit supra Magistrum , ita tecum statue : Quia tertius est modus Humilitatis absolutissimæ , decet , ut priores duos jam adeptus , etiamsi nullo superaddito Laus Dei par foret , ad majorem tamen Imitationem Christi eligam potius cum eo Paupere , Spreto , & Illuso , Pauperiem , Contemptum , & Insipientiæ titulum amplecti , quam opes , honores , & Sapientiæ estimationem . Ita S. Ignatius , ut refertur in Libello Exercitiorum , secum statuit . Et hoc modo Christus inter Discipulos sustulit disputationem , qua contendebant , *Quis eorum major esset* : nempe ut per appetitum Contrarij , qui vult Primus esse , sit omnium novissimus , & Minister .

M E D I T A T I O CCCXXII.

*Signa facientes in Christi Nominе
non prohibendi.*

Marc. 9. v. 37. Luc. 9. v. 49.

PUNCTUM I. Respondit ei Joannes , dicens : *Magister vidimus quendam , in Nominе tuo ejcidentem demonia , qui non sequitur nos (id est , te nobiscum , unde Lucas dicit : Qui non sequitur nobiscum) & prohibuimus eum . JE-SVS autem ait : Nolite prohibere eum .* Ex eo , quod Christus parvulum ætate & Humilitate benevolè suscipi voluerit , Joannes occasionem sumpsit , interrogandi & reponendi , an pariter recipiendus sit is , vel an non potius rectè ab eis factum sit , quod ipsi Discipuli non admiserint ad Prædicationem Evangelij , & dæmoniorum ejectionem , eum , qui à Christo non erat

cum illis ad hoc Officium vocatus, eò quòd talis vi-deatur derogare Auctoritati Christi : cùm ejus in-jussu, & ab eo non missus prædicet, & dæmonia ej-iciat. Laudandus & imitandus est S. Joannes, quòd etiam ad operationem, apparenter bonam, Magistri sui judicium ac directionem requisierit: nam sub spe-cie boni, ut modo Joanni contigit, sæpe decipimur, & putamus, nos bene agere, quando non bene agi-mus. Itaque etiam in bonis nostris actionibus (fal-tem quas non certo constat bonas esse, sive quoad sub-stantiam, sive circumstantiam) Patrum Spiritualium, & Superiorum Consilium & Ductum requiramus: & velut parvuli, non discernentes bonum, & ma-lum, dirigi à Sapientioribus velimus; & sic cum S. Joanne, qui Consilium Christi requisivit, & ex præ-cedenti Adhortatione Christi ad Humilitatem pro-fecit, studeamus effici, sicut parvuli.

PUNCT. II. Considera, S. Joannem ex occasio-ne commendatae à Christo Humilitatis incepisse du-bitare, an non contra Humilitatem peccaverint, pro-hibendo alterum à Dæmonum ejectione, Christi No-mine facta. Nam sub prætextu Zeli pro Christi Glo-ria in eis fit intentio propriæ gloriæ, ne ipsi Christum sequentes minus æstimarentur, & à populo frequen-tarentur, ac invocarentur, si etiam aliis eadem Pote-state in dæmones uteretur. Examina ergo semper tuas intentiones, an non cum Intentione Glorie Di-vinæ irrepas propriæ gloriæ, aut commodi intentio, & ab hac stude illam puram ac liberam reddere.

PUNCT. III. Aliâ adhuc superbiâ laborabant Discipuli Christi: qui, quamvis alias idem ficeret, quod ipsi, tamen minoris æstimabant, & contemne-bant

bant ipsius actionem, quia non idem vitæ institutum sequebatur. Similis superbiæ te reum facis, si aliorum Sæcularium, aut Religiosorum Doctrinam, & actiones contemnas, minoris æstimes, æmuleris, vel impediás per invidiam: si verò unice DEI Gloriam quæras, gaudebis & laudabis, quando etiam alij Dei Gloriam procurant.

MEDITATIO CCCXXIII.

Prosecutio ejusdem Argumenti.

PUNCTUM I. *Nemo est enim, qui faciat virtutem in nomine meo, & possit citò male loqui de me.* Marc. 9. v. 38. Hæc est prima ratio, quare Discipuli non prohibeant eijcentem dæmonia in Nomine Christi: quia de talibus non præsumendum est, quod Christi Gloriæ aliquis sit detracturus, vel non perseveraturus in Christi Prædicatione. Vis & tu signum aliquod habere Perleverantiæ in Divino Servitio? exerce te continuo in Virtutibus in Nomine Christi, sive ex sincera Intentione solius Gloriæ Christi. Et cùm nemo repente fiat pessimus, & male de Deo sentiat, loquatur, vel agat; invigila tibi, ne paulatim deficias; vel si defecisti, metu ulterioris defectionis ad Virtutum studium de novo te excita.

PUNCT. II. *Qui non est adversum vos, pro vobis est.* Marc. 9. v. 39. Altera hæc ratio est. Quia, qui, sicut vos, in Nomine meo dæmonia eijcit, & idem prædicat, ille pro vobis operatur, & vestram Intentionem Gloriæ meæ propagandæ promovet: ideo non tantum non prohibendus est, sed fovendus, & amandus.

Acc
so
me
tus
am
lun
ber
DE
jusc
lic
bis
tia
min
min
mic
nefi
Chr
tuall
ejec
mer
leve
que
dig
No
na